



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Articulus I. Quid debeat restituи ab inferente injuriam materialem tantum,  
sive à possessore bonæ fidei.

**urn:nbn:de:hbz:466:1-42561**

vitandas lites fiunt capientium , si hostes ea deportârant ad præsidia vel loca tuta , *Molin.* *Coning.* *Tann:* *Burgh:* cent: 2: cas: 6. , Valet tamen illa dispositio tantum pro subditis Cæsari , & tantum circa bona fortunæ pertinentia ad laicos , quia de illis solis disponere potuit jus Cæsareum : si autem hostes nondum deportârant ad præsidia vel loca tuta , aut si domini adhuc insequebantur , etiam de jure Cæsareo restitui debent prioribus dominis , *Molin.* *Dicast.* n. 424.

*D V B I V M VI.**De rebus, quæ debent restitui.**A R T I C U L U S I.*

Quid debeat restitui ab inferente injuriam ma-  
teriale tantum , sive à possessore  
bonæ fidei.

**R**Esp. Qui bonâ fide damnum intulit, aut pos<sup>it</sup> „ 114  
fidet aliquid , de quo postea melius cognoscit, tenetur, ne incipiat esse possessor malæ fidei „ & detinere alienum, id tantum , & non plus restituere, quod ex ea re ipsi superest, unâ cum eius fructibus , si extens , vel quatenus inde factus est ditior ; præterquam, si dominium sibi comparavit per legitimam præscriptionem. Ita comm. Doctores, *Mol.* *Sanch.* *Leff.* l. 2. c. 14. d. 1. *Bon.* to. 2. deo

E 2 restit.

» restitu. d. 1. q. 2. p. 1. Laym. l. 3. t. 2. c. 3. Vnde resolues:  
 » I. Si vestem v.g. bonâ fide donatam à fure aut  
 » alio, portasti, & ferè attrivisti, ac postea domi-  
 » nus compareat, teneris eam, aut æqualem ei  
 » restituere, & insuper persolvere quantum attri-  
 » ta est, si aliàs vestem æqualis valoris attrivisses:  
 » si autem eam amisisti, aut ablata tibi est, &c. ad  
 » nihil teneris, Bon. l. c. Lay. n. 1. vid. Trul. lib. 7. c.  
 » 11. d. 1. n. 3. Si autem res, quam à fure bonâ fide  
 » accepisti (sive donatione, sive emptione) sit usu  
 » consumptibilis, eamque cum tuis miscuisti, ita  
 » ut discerni nequeat, et si deinde deprehendas  
 » furtivam fuisse, non teneris restituere. Nav. Syl.  
 » Sayr. Less. Bon. d. 1. q. 3. p. 1. quia per istam com-  
 » mixtionem bonâ fide factam, est in te transla-  
 » tum dominium, ut colligitur ex L. Si alicui num-  
 » mi. ff. De solut. neque est ratio, cur hæc potius  
 » quam illa pars censeatur aliena: atque adeo pe-  
 » riit obligatio realis, & tantum manet persona-  
 » lis in venditore, v. Dian. p. 4. t. 4. R. 66. Trul. d.  
 » 3. n. 7. Less. n. 22. 156. 157. ubi addit, esse val-  
 » de probabile, jurique naturæ conforme, quod  
 » verus dominus rei illius ablatæ & permixta  
 » (quamdiu totus cumulus extat) retineat jus in  
 » re, ut ex isto cumulo sibi satisfiat ante alios; imò  
 » possit ex eo occulte accipere.  
 » II. Milites bonâ fide militantes, intellectâ  
 » postea belli injustitiâ, id tantum restituere de-  
 » bent, quod adhuc habent ex præda, & quo facti  
 » sunt ditiores. Bon. l. c.  
 » III. Qui bonâ fide per inculpatam ignoran-  
 » tiā celebravit contractum, quem postea usu-  
 » rarium esse cognoscit, non plūs tenetur, quam  
 » factus est ditior. vid. Lay. cap. 3.

IV.

IV. Possessorem bonæ fidei, si adhibitâ dili-<sup>29</sup>  
gentiâ inclinet in eam partem, quòd res non sit<sup>28</sup>  
sua, teneri aliquid restituere juxta inclinatio-<sup>29</sup>  
nem, docet Kon. d. 34. dub. 10. n. 93. At Palaus<sup>28</sup>  
1. d. 3. p. 2. n. 11. putat ad nihil teneri, quia pos-<sup>29</sup>  
fessio contrariis rationibus non convincenti-<sup>29</sup>  
bus præponderat. Idem docet Vasq. apud Escob.<sup>29</sup>  
t. 3. c. 3. n. 154. Dian. p. 4. t. 3. R. 24. & 26. Si ne-<sup>29</sup>  
glexit investigare veritatem, & deinde sciri non<sup>29</sup>  
potest, dicit Palaus l.c. ad nihil teneri. <sup>29</sup>

V. Si bonâ fide rem vendidisti dono tibi da-<sup>29</sup>  
tam, teneris restituere pretium, quia factus es<sup>29</sup>  
locupletior: & satîs debet esse tibi, non habere<sup>29</sup>  
minùs, quâm antè. Quòd si tamen apud alterum<sup>29</sup>  
res est, is reddere tenetur. Ib. & Vasq. c. 9. §. 2. Mol.<sup>29</sup>  
Leff. d. 1. & c. 2 1. d. 17. <sup>29</sup>

VI. Si bonâ fide rem ipse emisti, & vendidisti<sup>29</sup>  
absque lucro, nihil teneris restituere; sed solus<sup>29</sup>  
is, apud quem res est. Mol. l. c. Leff. l. c. contra<sup>29</sup>  
Vasq. &c. <sup>29</sup>

VII. Si rem alienum bonâ fide donasti, non<sup>29</sup>  
donaturus aliam, si hanc non habuisses, ad nihil<sup>29</sup>  
teneris; quia non es factus ditior: secus, si aliam<sup>29</sup>  
donaturus fuisses ( quia tunc parcendo tuæ, fa-<sup>29</sup>  
ctus es ditior) vel si aliquid accepisti in remune-<sup>29</sup>  
rationem. Bon. Trul. n. 6. <sup>29</sup>

VIII. Si alienâ re lucratus es tanquam instru-<sup>29</sup>  
mento, v. g. frumentum alienum aliò deporta-<sup>29</sup>  
tum vendidisti, vel pecuniam alienam negotia-<sup>29</sup>  
tioni exposuisti, non teneris illud lucrum resti-<sup>29</sup>  
tuere; quia non est fructus rei alienæ, sed tuæ<sup>29</sup>  
meræ industriæ: tales enim fructus dicuntur<sup>29</sup>  
meræ industriæ, quos ipsa natura ex se nullo<sup>29</sup>  
modo gignit, sed tantum concurrit ut instru-<sup>29</sup>

"mentum operantis. Laym. n. 3. ex S. Th. & aliis.  
 "IX. Fructus omnes rei, sive si sunt merè natu-  
 "rales, hoc est, qui vix ullo hominum labore e-  
 "gent; ut foetus animalium, arborum, herbæ &  
 "gramina: sive sunt simul industriales, sive mixti,  
 "hoc est, ad quos æquè, aut magis hominum la-  
 "bor cum natura concurrit, ut v. g. segetes, &  
 "quæ serendo gignuntur; item vinum, oleum, la-  
 "na &c. quò etiam referuntur pretia locationis  
 "domorum, jumentorum, &c. qui fructus civiles  
 "appellantur, hi, inquam, fructus rei, si percepti  
 "& extantes sunt, domino restitui debent; dedu-  
 "ctis tamen expensis propriis, & æstimatione la-  
 "boris. Et quidem pretium locationis ex re aliena  
 "debet domino restitui, licet is rem, si penes  
 "se habuisset, non fuisset locatus. V. Lay. l.c.  
 "Si tamen fructus isti reales bonâ fide possessi  
 "fuerint tempore à lege præscripto ad usucapi-  
 "endum illos, (quod, si adsit titulus, est biennum  
 "inter præfentes, inter absentes quadriennium; si  
 "autem non adsit titulus, anni 30. cum bona fide)  
 "non sunt restituendi; quia usucatio transfert  
 "dominium. Salon. Trull. l. 7.c. 11. d. 3.  
 "X. Si à fure accepisti (sive bonâ sive malâ fide)  
 "rem usu consumptibilem, v. g. vinum, oleum,  
 "triticum, &c. cum propriis ipsius furis rebus  
 "permixtum, ita ut non discerni possit, non te-  
 "neris restituere, si fur ad restituendum sit po-  
 "tentis: quia fur per commixtionem istius rei cum  
 "propria, acquisivit ejus dominium; atque adeo  
 "illud tanquam verus ejus dominus potuit  
 "transferre. Nav. Sanch. Less. Bon. Trul. n. 6. V.  
 "Dian. p. 2. t. 5. m. R. 40.

A D-

## ADDENDA.

*Q. 31. An res eadem in individuo restitui debeat.* R. 115

§. 1. *Valerus apud Dian. p. 2. t. 16. R. 29.* dicit non peccari contra justitiam, si reddatur qualiscunq; in valore æqualis, quia reducitur æqualitas; posse tamen esse contra charitatem, si causetur tristitia vel ira in domino: sed dicendum est, debere ex justitia, per se loquendo, restitui eandem in individuo, nisi alteri sit acquisitum ejus dominium, ita TT: omnes communiter; quod etiam volunt Juristæ, quando dicunt rem in specie esse restituendam, uti notat *Dicast. de Rest. d. 2. dub. 2.* Ratio est, quia res manet domini, qui salvâ justitiâ non potest cogi permutare rem suam, si rationabiliter nolit, etiamsi superadderetur aliquid supra justum pretium, uti addit *Dicast. n. 134. Dixi.* 1., per se loquendo, nam rectè docent *S. Anton. Silv. Navar. Valent. Dicast. n. 13.*, quandoque posse rem aliam restitui, si alioqui aliud grave incommodum sequeretur, uti si restituendo rem eandem fur occultus manifestaretur: addit *Dicast. n. 21.* probabile esse, quod furatus pecuniam aut aliam rem unico usu consumptibilem, satisfaciat reddendo similem, quia sola diversitas numerica non censetur in ejusmodi rebus facere inæqualitatem, unde affectio ad suam determinatè pecuniam censebitur irrationalis: oppositum tamen tenent *Covar. Medin.* aliquique multi. *Dixi 2.*, nisi alteri acquisitum sit ejus dominium, tum enim posset res illa in individuo retineri, sed quia hic alter per rem alienam factus esset editior, nec leges positivæ volunt rem esse absolute ipsius, nisi forte in alluvione, de qua

E 4

à n.

à n. 136., & in præscriptiōne , de qua à n. 468., tenebitur restituere æquivalens : tale autem dominium rei alienæ acquiri potest permixtione , specificatione , accessione , de quibus ordine aliqua addemus.

**116** §. 2. Si permisceantur res liquidæ aut liquefactæ , sive sint ejusdem sive diversæ speciei , dicitur confusio , uti si ex duobus oleis fiat unum , ex vino & melle mulsum , ex stanno & argento poculum : Si permisceantur res manentes solidæ , dicitur strictè mixtio , uti si permisceantur pecuniae , frumenta : debent tamen talia mixta post confusione m vel mixtionem esse ab invicem indiscernibilia: per hoc autem etiam differunt confusio & mixtio , quod factâ confusione nulla pars assignari possit , quæ non habeat aliquid de utroque , sic omnis pars multis est partim vinum partim mel : è contrâ quando solida miscentur , v. g. meum frumentum cum tuo , grana manent separata , & de singulis verum est dicere , hoc granum non fuit utriusque , licet nunc propter similitudinem discernere non possimus , cuius fuerit . Videri potest *Ills. t. 4. d. 2. n. 269.*

**117** §. 3. Si confusio rei alienæ cum tua fiat communi consensu vel casu , sive partes sint ejusdem generis , uti partes olei tui & mei , ex quibus non resultat nisi oleum ; sive diversi , uti stannum & argentum , ex quibus conflatur poculum , dominium totius est commune utriusque , Instit: suprà , §. *Si duorum. 27.* Si autem altero inscio vel invito rem ipsius confundas cum tua , & sint res diversi generis , quæ per ordinariam humanam artem non possint ab invicem separari , uti separari non possunt vinum & mel in mulso , tu acquisis dominium

minium totius multis, uti habetur suprà §. 25. in fine. E contrà si res diversi generis sic confusæ possint ordinariâ arte humanâ separari, uti poculum resolvi potest in stannum tuum & argentum meum, non acquiris dominium mei argenti, sed tu tui stanni, ergo mei argenti manebo dominus, & per vendicationem potero repetere,  
*Haunol.* n. 114.

§. 4. Si alienam pecuniam domino inscio vel 118  
invito misceas tuæ volens totam habere ut tuam,  
acquiris ejus dominium, l. 78. ff. *De solut.*, & rationem dat *Glossa*, quia mixtio habet vim consumptionis: quod certum videtur, saltem quando tua erat in majori quantitate, quia pars major trahit ad se minorem, secundum l. 23. §. 4. ff. *De rei vindicat.*, docentque *Molin. Vasq. Lugo* n. 166. *Dicast.* l. 2. t. 2. d. 5. n. 185. Quòd si aliena fuisset in majori quantitate, aut etiam in æquali, secundum *Lugo* non fieret tua, sed neque alterius, cùm ille non habeat voluntatem acquirendi dominium totius: si autem mixtio fiat communis consensu vel casu, sive sint pecuniæ sive res aliæ in *Instit.* *De rer. dom.* §. *Quod si.* 28. statuitur, ut totus cumulus sit utriusque; tum enim censetur esse voluntas eorum, ut res tota maneat communis: quòd si uterque nollet esse communem, neque etiam singuli vellent habere totum cumulum tanquam suum, singula mixta manerent propria singulorum, & per Judicem deberet singulis secundum æquitatem pars attribui, uti habetur in *Instit.* suprà.

§. 5. Si fiat mixtio rerum aliarum, quæ non 119  
sunt pecuniæ, uti mei frumenti cum tuo, & misceas me inscio ac invito, volens habere totum

tanquam tuum, *Haunol.* suprà dicit me manere dominium mei, partemque meam à Judice separandam esse, quia id specialiter statutum est de pecuniis in ff. suprà, & ratio potuit esse, quia pecuniae sunt in quotidianis commerciis, unde multæ difficultates oriri possent, si earum dominium, quando miscentur, maneret ita incertum: è contrà *Lugo* suprà dicit eandem esse rationem de frumentis & aliis rebus; idemque affirmat *Dicast.* n. 185. de rebus omnibus unico usu consumptilibus, quia de omnibus valet dictum *Glossæ*, quod mixtio sit quædam consumptio rei.

**120** §. 6. Etiam specificatione acquiritur dominium aliquando, uti habetur §. 25. *Instit.* *De rer. divis.* Porro per specificationem hic intelligitur introductio formæ novæ in materiam, seu mutatio materiæ in aliquid aliud, ita ut dicatur produci quasi nova species, uti quando ex uvis fit vinum, ex auro vas, ex lana pannus, ex tabula navis: ad specificationem autem, quâ acquiratur dominium, non sufficit aliquid quomodo cumq; accidentaliter immutari, sed requiritur talis immutatio, ut in commercio humano fiat nova res, quæ etiam ideo efferatur novo nomine substantivo, uti ex lana fit pannus, hinc si lanam meam ex alba tantum facias nigram, non erit specificatio, ideoque lana manebit mea, L. 26. §. ult. ff. *De acquir. rer. dom.*

**121** §. 7. Si ex aliena materia facias speciem, quæ semel facta non possit reduci ad priorem materiam, acquiris dominium illius speciei: è contrà si possit reduci, dominium manet apud illum, cuius fuit materia. *Instit.* suprà §. 25. item L. 7. §. 7. ff. suprà, sic vinum ex uvis factum non potest redire

dire ad uvas, hinc si expresseris vinum ex meis  
uvis, acquiris vini dominium, sed mihi competit  
actio personalis in factum contra te: è contrà  
vas ex auro factum potest resolvi in aurum, hinc  
si feceris vas ex auro meo, dominium est meum,  
ideoque competit mihi actio etiam realis ad vas  
illud.

§. 8. Quamvis faciens speciem subministra- 122  
verit partem materiæ, uti si ex auro, quod mihi  
& tibi erat commune, feceris vas, non ideo ac-  
quiris dominium mei auri, quia vas potest resol-  
vi in aurum utriusque commune, ita cum commu-  
niore Haun. n. 109. Si tamen aurum meum jam  
antè per confusionem esset factum tuum, etiam  
vas esset tuum.

§. 9. Si ex frumento fiat farina, fit species & 123  
acquiritur dominium farinæ: è contrà si ex spicis  
excutiatur frumentum, non fit strictè species:  
*Nec obstat*, quod in Institut: suprà pro exemplo spe-  
cificationis ponatur, si ex spicis fiat frumentum, nam  
hic locus videtur male impressus, & intelligi de-  
bet juxta L. 7. §. 7. ff. *De acq. rerum dominio*, unde  
desumptus est, ubi expressè dicitur oppositum,  
additurque ratio, cum enim grana, quæ spicis  
continentur, perfectam habeant suam speciem,  
qui excussit spicas, non novam speciem facit, sed  
eam, quæ est, detegit: & ita etiam cum aliis docet  
Haun. n. 106.

§. 10. Si ex meis asseribus facias navem, asse- 124  
res manent mei, quia in eos reduci potest navis;  
è contrà si ex mea queru scindas asseres, & ex his  
facias navem, acquiris dominium navis & asse-  
rum, quia hi non possunt reduci in querum, &  
ita

ita conciliantur duæ leges apud *Haun.* n. 108., quæ alias sibi videntur contrariae.

**125** §. 11. Probabilius videtur ad acquirendum dominium rei alienæ per specificationem, semper requiri, ut facta sit bonâ fide, est communior cum *Glossa* ad §. 25. *Instit.* suprà & *Haun.* n. 107. contra *Wesenb.* *Heigum*, *Bachovium* & alios. Ratio est, qnia L. 12. §. 3. ff. *Ad exhibendum*, dicitur, mustum & oleum esse meum, quod fit ex uvis aut olulis meis ab illo, qui scit illa esse mea; neque potest esse alia ratio, quam quia scivit esse mea, ergo quia processit malâ fide; & ratio additur, quia si faciat sciens rem esse meam, censemur mihi donare operam suam, ergo non acquiret dominium rei meæ: si tamen sciens rem esse meam bonâ fide putaret me contentum esse, acquiret dominium cum obligatione faciendæ mihi compensacionis, tum enim non potest censeri donare operam suam, *Haun.*

**126** §. 12. Etiam per accessionem plerumque acquiritur dominium, id est, si rei alicui tanquam præsuppositæ & principali accedit aliquid, hoc, quod accedit & quasi adjicitur, cadit sub dominium illius, cuius est res, cui accedit, sicuti si pocolo accedit ansa, statuæ pes, annulo gemma, vesti suffultura vel intextura, ejus est ansa, pes, gemma &c.; cuius est poculum &c.; quamvis illa adjecta essent pretiosiora, quam ista, quibus adjiciuntur: nec utrumque habet se veluti principale partialiter, uti se habent illa, quæ in mixtione concurrunt, sed hoc, quod adjicitur, est accessorium, accessoriū autem sequitur principale, L. 23. §. 2. ff. *Derei vindicatione*. Nec obstat, quod fortè fiat malâ fide, uti statuitur ibidem §.

26.;

26. ; priori tamen domino relinquitur actio & condicō furti contra illum, qui fecit, & eius hæredes : quandocumque autem tale quid , quod alienum erat, est adjectum , etiam bonâ fide , si illud, quod adjectum est , absque detrimento separari possit, debet reddi priori domino , imò Lugo n. 160. putat dominium manere apud illum, cuius antea fuit ; quòd si absque detrimento separari non possit, conceditur actio , quâ vindicetur, probando quòd habeat sine justo titulo, ideoque cogatur ad compensandum.

§. 13. Ad accessionem reduci possunt ædificatio , plantatio , satio , scriptura , pictura , cùm in his etiam unum adjiciatur alteri præsupposito, nempe ædificium, arbor , semen fundo ; characteres chartæ ; imago telæ vel tabulæ : in quibusdam tamen non omnino conveniunt cum accessione, uti patebit ex dicendis.

§. 14. In Instit. De rer. divis. §. 29. sic statuitur : 127  
*Cum in suo solo aliquis ex aliena materia ædificaverit, ipse intelligitur dominus ædificii, quia omne, quod solo inædificatur, solo cedit : nec tamen is, qui materiæ dominus fuerat, definit dominus ejus esse, sed tantisper, neque vindicare eam potest, neque ad exhibendum de ea re agore, propter legem 12. tabularum, quâ cavitur, ne quis tignum alienum ædibus suis junctum eximere cogatur, sed duplum pro eo præstet per actionem, quæ vocatur, de tigno juncto : appellatione autem tigni omnis materia significatur, ex qua ædifica sunt : quod ideo provisum est, ne ædifica rescindi necesse sit : quòd si aliqua ex causa dirutum sit ædificium, poterit materiæ dominus, si non fuerit jam duplum consecutus, tunc eam vindicare. Lex illa intelligitur de ædificiis solo affixis, & immobilibus, quæ enim solo moveri possunt,*

possunt, solo non cedunt, L. 60. ff. *De acquir. rei domin.* Sensus autem legis est, ut tignus, licet furtivus sit, à domino vindicari non possit, ne sit opus diruere ædificium, L. 1. ff. *De tigno juncto;* quamvis furtivus ille ædificator per L. 23. §. 6. ff. *De rerum vindicatione* possit cogi, non tantum ad solvendum duplum, sed etiam ad triplum, & quando ædificium diruitur, etiam ad reddendum tignum, quamvis duplum solverit, *Haun. n. 123 & 130.* Est autem communior sententia contra *Mynsing.* & *Wesemb.*, etiam bonæ fidei ædificatorem posse cogi ad duplum pro tigno, quia L. 6. ff. *Ad exhibendum*, absolute dicitur posse de tigno juncto agi actione in duplum; neque ideo punitur bonæ fidei ædificator, sed adhuc minus exigitur ab eo, quam exigi posset, nam posset cogi, ut ædificium dirueret ac tignum redderet domino: dici tamen potest ideo per legem relatam ita statui, quia præsumitur mala fides, hinc *Haun. n. 125.* putat contra illum, qui sibi conscius esset de bona fide, non dandam actionem, nisi in factum ad simplum; possetque ædificator, etiam malæ fidei, si mallet, reddere tignum loco dupli, uti habet communior cum *Haun. n. 132.* contra *Gilken.* & *Hunnius*, id enim nullâ lege prohibetur.

**129** §. 15. In Instit. suprà §. 30. sic statuitur; ex diverso, si quis in alieno solo ex sua materia domum ædificaverit, illius sit domus, cuius & solum est, sed hoc casu materia dominus proprietatem ejus amittit, quia voluntate ejus intelligitur alienata, utique si non ignorabat se in alieno solo ædificare, & ideo licet diruta sit domus, materiam tamen vindicare non potest. Ex hac legi colligitur illum, qui sciens ædificavit in alie-

no

no fundo, nequidem pretium materiæ posse repetere, quia cùm sciverit ædificia solo cedere, præsumitur voluisse adjicere & donare fundo, L. 7. §. 12. ff. De acquir. rer. domin. Si tamen omnino sciretur non fecisse animo donandi, videtur posse repetere, quamvis sciens fecerit, nam L. 2. Cod. De rei vindicatione sic statuitur, si ædificium fuerit dissolutum ejus materiam ad pristinum dominum redire, sive bonâ sive malâ fide exstratum sit, si non donandi animo fecerit: de quibus tamen legibus conciliandis alias sex Auctorum responsiones assert *Haun.* à n. 136., sed hæc videtur facilior.

§. 16. Si Titius ædificaverit in fundo Caji ex 130 materia Sempronii, hic retinet dominium suæ materiæ poteritque repetere diruto ædificio, nisi prius compensatum sit ei proutum, vel à Titio vel à Cajo, *Haun.* n. 135.

§. 17. Qui in alieno solo etiam bonâ fide ædificavit, si ipse met non possideat ædificium, stricto jure non potest quicquam repetere, L. 33. ff. De condicione indebiti: ex æquitate tamen, etiamsi malâ fide fecerit, potest repetere pretium materiæ & expensarum, secundum æstimationem utilitatis, uti ei conceditur L. 38. ff. De petit. heredit., & rectè docet *Haun.* n. 142. fls. n. 271. aliique.

§. 18. In Instit. suprà §. 31. sic statuitur: Si 132 Titius alienam plantam in solo suo posuerit, ipsius est, & è diverso si Titius suam plantam in Mævii solo posuerit, Mævii planta erit, si modò utroque casu radices egerit, antè enim, quam radices egerit, ejus permanet, cuius fuerat, adeo ut si vicini arbor in terram Titii ita presserit, ut in ejus fundum radices ege-  
rit,

rit, Titii effici arborem dicamus, ratio enim non permittit, ut alterius arbor esse intelligatur, quam cuius in fundum radices egerit, & ideo prope confinium arbor posita, si etiam in vicini fundum radices egerit, communis sit. Notat tamen recte Haunol. n. 143, ut arbor vicina fiat mea, non esse satis, quod radices aliquas, & etiam aliquos ramos projiciant in fundum meum, sed requiri, ut origo seu truncus in meo fundo crescat, uti habetur L. 6. §. 2. ff. Arborum furtim cæsarum, ubi etiam statuitur non licere mihi succidere radices & ramos se nimium porrigentes, sed dari mihi actionem contra alterum, ut vel ipse tollat, vel damnum compenset; quod si monitus non fecerit, docent aliqui cum Schneidew. me posse succidere & mihi tollere, per L. 1. & 2. ff. De arboribus cædendis.

**133** §. 19. In Instit. suprà §. 32. sic statuitur: Quâ ratione plantæ, quæ terræ coalescunt, solo cedunt, eâdem ratione frumenta quoque, quæ sata sunt, solo cedere intelliguntur: additur tamen, si bonâ fide se verit, posse impensas repetere; è contrâ si severit malâ fide, Haunol. n. 145. putat idem esse dicendum, quod n. 129. diximus de ædificatore, si enim non possit præsumi voluisse donare, dicit posse repetere impensas, sicuti omnes concedunt eum, si fundum possideat, posse sibi eas compenfare ex fructibus, nisi dominus fundi illas refundat, & ita videtur statui L. 38. ff. De rei vind.

**134** §. 20. In Instit. suprà §. 33. sic statuitur: Literæ, licet aureæ sint, perinde chartis membranisque cedunt, ac solo cedere solent ea, qua inædificantur aut inseruntur. Notant tamen Haunol. n. 147. & 711. n. 272. nunc consuetudinem prævaluuisse, ut charta cedat scripturæ, etiam si malâ fide esset conscri-

pta,

pta, quamvis scriptor tum conveniri posset actione furti in duplum, praeter estimationem chartæ: si autem bona fide fecerit, satis erit restituere æqualem vel ejus pretium.

§. 21. In Instit. suprà §. 34. statuitur, ut tabula aut tela cedat picturæ, *ridiculum est enim, inquit Justinianus, picturam Apellis vel Parrhasii in accessionem vilissimæ tabulæ cedere: debet tamen domino tabulæ pretium persolvi: & per hanc legem derogatur sententia Pauli juris: l. 23. §. 3. ff. Derei vindic., qui vult picturam cedere tabulæ.*

Q. 32. *An debeat restituui, quod per alluvionem accessit.* R. §. 1. *Quod per alluvionem agro tuo flumen adjicit, jure gentium tibi acquiritur, ( nec teneris restituere vel compensare quicquam alteri damnum passo ) est autem alluvio incrementum latens: per alluvionem autem id videtur adjici, quod ita paulatim adjicitur, ut intelligi non possit, quantum quoque temporis momento adjiciatur: quod si vis fluminis de tuo prædio partem aliquam detraxerit & vicini prædio attulerit, palam est eam tuam permanere: planè si longiore tempore fundo vicini tui hæserit, arboreisque, quas secum traxit, in eum fundum radices egerint, ex eo tempore evidentur vicini fundo acquisitæ esse. Insula, quæ in mari nata est, occupantis est, nullius enim esse creditur: at iuscula in flumine nata, siquidem medianam partem fluminis tenet, communis est eorum, qui ab utraq; parte fluminis prope ripam prædia possident, modo scilicet latitudinis cuiusque fundi, quæ prope ripam sit: quod si alteri parti proximiior sit, eorum est tantum, qui ab ea parte prope ripam prædia possident: quod si aliquâ parte divisum sit flumen, deinde infra unitum, agrum alicujus informam insulæ redegerit, ejusdem permanebitis ager, cuius & fuerat: quod si naturali alveo in*

Tom. III.

F

trans-

transversum derelicto ad aliam partem fluere coepit , prior quidem alveus eorum est , qui prope ripam ejus prædia possident , pro modo scilicet latitudinis cuiusque agri , quæ prope ripam sit ; novus autem alveus ejus iuris esse incipit , cuius & ipsum flumen est : quod si post aliquot tempus ad priorem alveum reversum fuerit flumen , rursus novus alveus eorum esse incipit , qui prope ripam ejus prædia possident : alia sane causa est , si cum torus ager inundatus fuerit , neque enim inundatio fundi speciem commutat , & ob id si recesserit aqua , palam est eius fundum eius manere , cuius & fuit . Hæc omnia verbotenus habentur in Institut . De rer . divis . § . 20 . & seqq .

137 § . 2 . Incrementum latens , seu quasi insensibile alluvionis , accrescit etiam usufructuario , quoad fructus , non tamen incrementum patens id est , sensibiliter factum , uti habetur L . 9 . § . 4 ff . De usufructu : incrementum latens & patens accrescit emphyteutæ , videturque etiam probabilius , quod latens accrescat feudatario ; an autem accrescat etiam patens , discrepant AA : apud Lugo d . 6 . n . 157 .

138 § . 3 . Quando arbor per vim fluminis translata increscit alieno fundo , acquiritur domino hujus fundi , uti suprà dicitur : Nec obstat L . 5 . § . 3 ff . De rei vind . , quæ videtur dicere oppositum , nam omiffis variis explicationibus , quas refert Hannol . à n . 92 . , ibi tantum dicitur , quod Varus & Nerva dabant utilem actionem priori domino , nunc autem non amplius datur talis actio .

139 § . 4 . Ut sciatur , an insula nata sit in media parte fluminis , Barto : dicit latitudinem fluminis esse in tres partes æquales dividendam ; quod si insula

insula teneat partem, quæ in medio est, putat dividendam secundum proportionem majoris vel minoris vicinitatis; si tota sit extra partem, quæ in medio est, tota cedet ripæ, cui est proximior: *Haunol.* n. 98. putat totam insulam spectare ad ripam A:, si nihil notabile se extendat ultra medium ad ripam B:, & vice versa: si autem se notabiliter extendat ultra medietatem, dicit hanc partem pertinere ad ripam alteram.

§. 5. Si flumen non naturaliter, sed agentibus hominibus mutet alveum, damnum ex novo alveo proveniens compensari debet domino fundi, in quem novus alveus inducitur, quod fiet, si prior alveus illi assignetur, uti dicunt *Molin.* & *Lugo* n. 155. Addit *Haunol.* n. 101. ex aliqua etiam æquitate fieri, ut novus alveus per flumen factus, & postea desertus restituatur priori domino, quamvis in rigore non sit obligatio ad hoc. De dominio maris, videri potest *Grotius* I. 2. c. 3.

Q. 33. Quid notandum sit circa restitutionem rei alienæ, ex qua quis factus ditior. R. Seqq. §. 1. Tum quis dicitur ex re aliena fieri ditior, si ratione illius habeat, quod alioqui non haberet, v.g. quia illam vendidit, & ejusdem pretium habet; quia permutavit cum alia re, quam habet; quia per illam de se fructiferam lucratus est, quia habet fructus ex ea progenitos; quia illam consumpsit, & sic pepercit rei suæ.

§. 2. Si quis bonâ fide fit usus pretiosâ veste alienâ, & sic pepercerit suæ viliori, tenetur tantum restituere valorem eius, quod de vili 142 veste sua attrivisset, quia solum in hoc factus est ex ve-

ste aliena ditior: si autem res sua, cui pepercit, fuit  
preciosior re alienâ, quâ usus est, non tenetur  
alteri restituere nisi valorem rei, quâ usus est,  
quia non est factus ditior ex illa re aliena, sed tan-  
tum occasione illius plûs habet per rem suam  
cui pepercit, alter autem recipit, quod ex re sua  
est consumptum, Lugo d. 17. n. 11. Dicast. de  
Rest. d. 5. n. 19.

**143** §. 3. Si res aliena pereat apud possessorem  
bonæ fidei, etiamsi cum culpa ejus pereat, v. g.  
quia voluntariè combussit, nihil tenetur resti-  
tuere, non ex re accepta, quia non est factus di-  
tior, neque ex iniusta acceptance, quia cùm ne-  
sciverit esse alienam, non fecit formalem injuri-  
am alteri, ita cum communi Dicast. n. 15. & 20  
contra Adrian. & Sotum. An Cajus debeat resti-  
tuere pretium, quod ipsi dederat Titius pro ob-  
tinenda re aliqua, si Cajus hanc illi obtinuerit  
gratis, dictum est p. 1. n. 1046.

**144** Q. 34. An Cajus teneatur restituere, si aliquis  
habeat per contractum injustum bonâ fide initum cum  
Titio. R. Si postea deprehendat se ita lucratum  
esse, Less. in auct. v. Rest. cas. 5. & v. Societas offi-  
ciorum cas. un. Sav. Usura n. 8. dicunt in consci-  
entia non teneri restituere, si alio titulo tantum  
dem à Titio lucrari potuisset, v. g. per censum  
annuum, favetque Sanctarell. in Resolut. p. 1. q.  
46. n. 11., sed dicendum est teneri Titio restituue-  
re, quantum factus est ditior, si Titius præsu-  
mi non possit consensisse in hunc alterum con-  
tractum, uti recte Lugo d. 24. f. 9. Vide dicen-  
da n. 924.

**145** Q. 35. Ad quid teneatur, qui bonâ fidem fur-  
titivam

tivam emit aut vendidit, aut pro re sua accepit pretium furtivum. R<sup>e</sup>. Omnia ista resolventur postea à n. 961. An autem res furtiva possit reddi furi, si prævideatur non redditurus domino, dictum est à n. 98.

Q. 36. Quid addendum sit circa restitutionem <sup>146</sup>  
fructuum bonâ fide perceptorum ex re aliena :  
item circa compensationem melioramentorum  
vel expensarum. R<sup>e</sup>. De his dicetur à n. 204.

## ARTICULUS II.

*Quid beat restitui ab inferente injuriam formalem, seu male fidei damnificatore seu possessore.*

Resp. Id juxta supradicta æstimandum à quantitate tum juris, quod alter habet; tum damni, quod injustè infertur; cui æquale redi debet, nisi aliud de damnificati merite & consensu rationabiliter præsumatur. *Unde resolvetur.*

147

I. Si damnificatus habeat jus in re, in quadamnum est passus, restitutio ei facienda est in solidum: si autem tantum habeat jus ad rem, restitutio facienda est pro quantitate juris, consideratis circumstantiis: quia non debetur solidus valor rei, quæ expectabatur, cum tantum sit in spe, & multis modis possit inaperdiri.

F 3

II. Qui